



Број/Број: 03/1-50-1-7-43 /09
Сарајево/Sarajevo, 10.9.2009. godine

ČLANOVIMA ZAJEDNIČKE KOMISIJE ZA ODBRANU I SIGURNOST BiH

Predmet: Informacija o održanom sastanku sa šefom savjetodavnog tima NATO-a pri Štabu NATO-a u Sarajevu

Na prijedlog Štaba NATO-a u Sarajevu, 8.9.2009., održan je sastanak kojem su, u ime Zajedničke komisije za odbranu i sigurnost BiH, prisustvovali Branko Zrno, predsjedavajući, i Dragica Hinić, sekretar, dok su Štab NATO-a u Sarajevu predstavljali brigadni general John W. Bullard, novi šef savjetodavnog tima NATO-a, Kenneth Lindsay, političko-parlamentarni savjetnik, i Lejla Hadžihasanović, saradnik.

Cilj sastanka bio je upoznavanje brigadnog generala Johna W. Bullarda, koji je izabran na poziciju novog šefa savjetodavnog tima NATO-a u Sarajevu, s radom Zajedničke komisije, iskustvima i njenim planovima za naredni period.

U uvodnom obraćanju Branko Zrno poželio je dobrodošlicu brigadnom generalu Bullardu, upoznao ga s radom Zajedničke komisije, izrazio zahvalnost predstavnicima NATO-a na angažiranju u cjelokupnom toku vježbe "Združeni napor", koja se održava u Banjoj Luci, te izrazio nadu za nastavkom do sada uspješne saradnje s predstavnicima Štaba NATO-a u Sarajevu.

Brigadni general Bullard predstavio je svoju dosadašnju karijeru, te izrazio nadu u uspješnu saradnju. Potom je istakao neka glavna pitanja koja će biti u fokusu njegovog djelovanja. Kao prvo takvo pitanje naglasio je izradu dokumenta Pregled odbrane, te ulogu koordinacionog tima NATO-a u tom procesu. Mišljenja je da bi bilo dobro uključiti i Zajedničku komisiju u prethodnu fazu izrade ovog dokumenta. Dotakao se i pitanja vezanog za rješavanje statusa vojne imovine, te pitanja koje se odnosi na višak personala u Oružanim snagama i Ministarstvu odbrane BiH, kao i uloge NATO Trust fonda u tom procesu.

Gosp. Kennetha Lindsaya zanimala su pitanja vezana za saradnju s komplementarnim entitetskim komisijama, te planiranja i djelovanja u varednim situacijama i prirodnim nesrećama.

Nakon odgovora na postavljena pitanja, predsjedavajući Zrno još jednom se zahvalio predstavnicima Štaba NATO-a na interesu za djelovanje Zajedničke komisije i najavio skore susrete i saradnju.

PREDSJEDAVAJUĆI KOMISIJE
Branko Zrno

Dostavljeno

- naslovu
- a/a